



**NESENEL DE
TOKTOK BILONG
MISTA JOHNSON**

Lukim Pes 6

**OLABOI — MOA
TAKIS GEN**

Lukim Pes 4



TOK WIN

Lukim Pes 7



**MIPELA
I LAIK
BAIM POTO
BILONG YU**

Lukim Pes 14

KISIM

PRAIS

NATING

Lukim Pes 16

PAS KAM LONG EDITA

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela prininem nem bilong yu tru, orait yu raitim arapela nem bilong yu tu.

Askim Namasu

Dia Edita.- Mi laik bekim pas bilong Mista Jim Kuk long hap bilong Angoram. Yu bin tok olsem ol waitmeri i save jeles long ol blakmeri. Sapos ol i maritim ol waitman, dispela ating em i tru tumas. Tasol mi tokim yu, yu husat waitman i bin kisim meri netif pinis, em as bilong yu i olsem yu rabisman. Olsem na yu kisim meri netif long i no ken westim nating o spenim mani bilong yu inap olsem \$100 o \$200 dola wande.

Gelong Lotson,
Bulolo

Pisin Skul

Dia Edita.- Yes ol wantok, mi gat wanpela bikpela wari. Olgeta bikpela man bilong gavman, na memba bilong Haus Asembli. Olsem wanem long olgeta pikinini i stap long viles? Ol i gat wanpela skul, em ol i kolim "Pisin Skul."

Tasol ol namba wan man bilong gavman i ting em i rabis skul, na ol i no save helpim ol long ol samting bilong skul. Sapos ol i no skul bai husat inap long ritim niuspepa Wantok na ol arapela niuspepa i kamap long tok Pisin? Husat inap long kaunim ol mani ma bisnis bilong ol dispela lain man? Mi ting ol misin tasol i ting long helpim ol dispela pikinini. Ol i salim ol katekis long givim liklik skul long ol dispela

pikinini. Tasol em i no wok bilong misin long mekim kain wok olsem. Wok bilong misin long bringim tok bilong God tasol.

Tingting bilong husat i no stret long tok bilong mi, rait tasol long Wantok na mi ken lukim.

Gimbo George
Madang

Yu Ting Wanem?

Dia Edita. Mi laik autim wari bilong mi. Mi lukim long hap bilong mi long Chimbu Distrik ol pater o misin ol i laik kisim wanpela diwai, ol kanaka i tok orait yu mas givim sampela mani pastaim. Bihain yu ken katim dispela diwai o mambu. Na bihain em i laik kisim arapela samting, ol i tok gen, yu mas peim pastaim na bihain yu ken kisim arapela samting.

Plis ol wantok, dispela kain tingting bilong ol kanaka i no stret tru. Bikos pater na ol misin ol i kam long graun bilong mipela, orait mipela mas givim samting long ol nating. Yumi no ken kisim wanpela liklik pe long ol. Nogat tru.

Sapos gavman em i laik kisim sampela diwai o mambu samting, ol kanaka ol i givim nating. Bilong wanem ol i givim nating? Bikos ol i pret long kalabus. Na ol misin ol i laik kisim sampela samting, ol kanaka i tok orait, yu mas peim pastaim. Bilong wanem ol i tok olsem? Bikos ol i save misin em i no inap kalabusim ol. Ol i tingting olsem na ol i laik

pulim samting long misin.

Sapos yu husat man yu lukim ol kanaka ol i mekim olsem, orait yu mas sarapim ol. Sapos husat man yu laik bekim dispela pas bilong mi, orait yu mas bekim. Mi no tok maski, yu ken raitim.

Dominikus Tine
Chimbu

Wait Na Blak

Dia Edita.- Mi laik bekim pas bilong Mista Jim Kuk long hap bilong Angoram. Yu bin tok olsem ol waitmeri i save jeles long ol blakmeri. Sapos ol i maritim ol waitman, dispela ating em i tru tumas. Tasol mi tokim yu, yu husat waitman i bin kisim meri netif pinis, em as bilong yu i olsem yu rabisman. Olsem na yu kisim meri netif long i no ken westim nating o spenim mani bilong yu inap olsem \$100 o \$200 dola wande.

Gelong Lotson,
Bulolo

Ai Tokim Mi

Dia Edita.- Mi laik bekim pas bilong susa hia Nuli. Yes susa tok bilong yu i tru, tasol sampela man ol i no laikim sampela meri bikos pasin bilong ol i no stret. Nau sapos yu laik maritim wanpela man bai yu maritim nating o bai yu save long pasin bilong em pastaim? Tru yu bin tok long dispela tupela man em i tru. Tingting bilong tupela i no stap long gutpela pasin.

Tupela ting tasol long gutpela pes na dres tasol bilong meri. Na tu wanpela samting ai bilong yumi yet i save lukim wanem kain samting yumi save laikim. Olsem yu na mi, sapos mi lukim wanem meri i gutpela long mi, orait mi traime long kisim na em i wan-kain olsem yu. No gat man o meri i ken senisim ai bilong yumi.

Tom C. Demien
Port Moresby

Maski Melanesia

Dia Edita.- Mi tingting planti long pas bilong (E.N. Teglia) na nem bilong kantri bilong yumi. Em i tok long kolim dispela kantri 'Melanesia,' tasol mi pilim i no gutpela tumas.

Sapos ol Inglis i harim dispela nem, ol i tingting long lain pipel i sindaun long ol ailan na kantri i stat long Wes Irian, i go inap long ol Solomon Ailan, i go long Niu Hebridi Ailan, i go inap long Fiji. Ol man bilong Papua New Guinea i sindaun long wanpela hap tasol insait long dispela bikpela hap.

I no gat wanpela man bilong Papua New Guinea stret, husat i save long dispela nem Melanesia. Ol waitskin tasol i save long en. Nem bilong kantri bilong yumi i mas kamap long tingting na save bilong ol pipel yet. Ol pipel i ken tingting long ol sampela nem ol i harim pinis olsem Niugini, Pagini, Papua.

P. Van Hees,
Australia.

Laik Bilong Wan Wan

Dia Edita.-Wanpela pasin i nogut tru hia. Sapos papa na mama tupela i pasim pikinini meri bilong tupela i go long wanpela man, na meri yet laik bilong em i no stap long dispela man. Laik bilong em i stap long narapela man na tupela i bin pasim tok pinis bilong marit. Sapos pasim man o meri i go long narapela, mi ting olsem sindaun bilong tupela bihain bai i no orait.

Na bai i rong bilong husat? Mi ting i bikpela rong bilong papa na mama bilong dispela man na meri. Dispela pasim em i bilong ol man na meri bilong bipo bipo tru. Selp Gavman bilong yumi bai i no ken gutpela long dispela kain pasin. Planti meri i ranawe pinis long man bilong em na man i lusim meri bilong em. Mi ting papa na mama tupela i mas lukaut sapos tupela indai. God bai i mekim kot long tupela.

Tony Pinia
Los Negros Ailan

Yau i Pen Ai Nogat

Dia Edita.-Plantitaim mi save ritim Wantok nius ol man i save rait na toktok long sotpela sket. Bilong wanem ol i save toktok planti? Sotpela sket i no samting bilong ol man.

Mipela ol meri i no save toktok long yupela ol man i save putim trausis daunbilo tru. Laik bilong wan wan. Watpo yupela ol man i save toktok? Nating yupela i save lus tru. Yu-

pela i no inap long stapim ol meri long putim ol sotpela sket.

Putim sotpela sket i no stap long wanpela hap tasol. Nogat. Yu wanem man yu laik stapim ol meri long putim ol sotpela sket yu mas kisim balus i go long olgeta hap bilong dispela kantri. Maski long rait na toktok planti. Yau i save pen tru long harim ol dispela kain tok.

Veronica Duba
Wewak

Mas Pilim Kalabus

Dia Edita.-Nau mi laik autim tingting bilong mi long yupela ol man bilong Haus Asembli i mekim dispela lo, bambai ol pipel i sindaun gut, na mekim gutpela wok long kamapim kantri bilong yumi.

Man i kilim man o meri yupela i putim em long kalabus inap long 4-5 yia, em i no stret tru. Dispela i samting nating long ol. Mi harim planti man i tok olsem. Kiap i no kilim wanpela man long kalabus. Man i kilim man o pait i kamap long sampela hap, stilim ol samting, o paitim meri, o kain kain trabel i kamap na ol i go long kalabus na i kam bek gen kwik tumas.

Dispela pasin ol i lukim na ol i no pret long mekim trabel. Man i kilim man, em i mas i stap long kalabus inap long em i lapun na i dai. Ol man i pait, na stil, na pulim meri, o olgeta trabel ol i mekim, ol i mas i stap long kalabus, inap 3,4,5,6,krismas, bai ol i pilim. No gat gutpela kaikai, na no gat blanket, na no gat wankot i go lukim, na ol i pilim tru.

William Dui
Kuruk/ Mt. Hagen

Sem Long Pas

Dia Edita.-Mi laik bekim pas bilong Joseph Heny i stap long Wes Nu Briten. Joseph i bin toktok long ol bikpela man bilong em i bin tok bilas long em taim em i laik go long Wes Nu Briten.

Yes, brata Joseph. Mi ting yu wantaim ol poroman bilong yu i no bin long yupela pastaim na raitim pas bilong yu. Mi

ting em i no samting bilong olgeta man. Wari bilong yu em i liklik samting i stap namel long yu na ol bikpela man bilong Chimbu. Bilong wanem yu i no laik sutim pas i go long ol kaunsil stesin bilong ol, na tokim ol long wari bilong yu?

Sapos mi olsem, mi i no laik sutim pas i go long ol niuspepa na tok save long olgeta man. Mi i no laik semim distrik bilong mi. Mi ting pas bilong yu i karamapim olgeta man bilong Chimbu long asua bilong ol sampela man tasol. Mi wanpela lapun man bilong Kerowagi mi i stap long Madang.

A.K.W. Agua
Madang

Dia Ol Bisop

Dia Edita.-Mi laik askim ol bisop bilong katolik sios, bilong wanem ol i kibung long Port Moresby long mun i go pinis na ol i bin tokaut klia tumas long strong dring. Na ol i no bin mekim wanpela toktok long pipia pe yumi New Guinean i oltaim save kisim long ol wanskin bilong ol.

Sapos ol katolik bisop i wari tru long strong

dring na ol spakman nabaut, ol i mas save as bilong spak bilong ol planti man. Ol i sot tru long pe na ol i no gat haus bilong ol. Olsem na ol i save spak nabaut. Ol i laik long spak bai ol i ken hait long ol wari bilong ol.

Maski long ol bisop i sem long ol wanskin bilong ol. Maski ol i pret long ol wanskin bilong ol. Ol i bisop bilong we? Ol i no bisop bilong yumi New Guinea?

John Keke
Morobe

Nem Gen

Dia Edita.-Mi gat liklik wari long nem bilong kantri bilong yumi. Plis ol brata na susa, yumi mas larim nem Papua New Guinea i stap long selp gavman. Long wanem dispela nem Papua New Guinea i stap long olgeta taun insait long world na long ol samting olsem stem na mani i gat hul long en.

Sapos yumi senisim nem Papua New Guinea na kolim arapela nem olsem Niu Gini, bai sampela masta insait long sampela arapela kantri bai i longlong long dispela tupela nem.

Ruben Warakori
Sepik.

Pisin Motu

Dia Edita.-Mi laik bekim wanpela tok mi bin ritim long niuspepa ol i kolim "Nius Bilong Yumi". Tok bilong Dr. John Guise mi ritim na mi pilim olsem long tingting bilong mi, dispela toktok bilong em i stret na i tru. Tok Motu em i bilong dispela kantri stret.

Tony L. Sapka
Wewak

INSAIT LONG OL POLITIK

(I KAM LONG NEW GUINEA NEWS SERVICE)

Olabo, Moa Takis Gen

Las taim yumi bin toktok long baset bilong Papua New Guinea. Em i min olsem: Papua New Guinea i mas gat hamas mani bilong ranim kantri long dispela yia? Na namba tu samting: bai Papua New Guinea i kisim we dispela mani?

Dispela tupela samting i as wari bilong olgeta gavman long olgeta kantri. Na bihain long independens bai em i wan-kain tru long dispela kantri tu. Olsem mobeta yumi lukim gut sampela tok nau.

I gat planti man tumas i ting independens em i min, bai olgeta waitman i mas raus long kantri. Nogat. Independens i min olgeta bikpela wok bilong bosim kantri i mas stap long han bilong ol blakskin. Em tasol. Na wanpela bikpela wari bilong ol dispela blakskin lida nau na bihaintaim tu, em hia: yumi painim mani we?

presen

long

australia

Orait, nau yumi lukim. Long dispela via Australia i givim gen \$128,000,000 (wan handet twenti et milion dola) long Papua New Guinea. Tasol dispela kantri yet i mas painim narapela \$127,000,000 bilong mekim go het kantri.

painim

takismani

we?

I gat planti kain pasin bilong painim mani. Kantri i ken kisim di-

nau. Kantri i ken putim kain kain takis long olkain samting. Oltaim ol sip i bringim ol samting i kam insait long kantri, orait ol i mas takis long ol dispela samting. Olgeta manmeri i kisim bikpela pe, ol i mas takis long pe bilong ol. Man i kisim bikpela pe, em i takis planti. Man i no kisim pe, em i no mas tromoim takis olgeta.

Ol kampani i winim bikpela mani, ol i mas takis tu. Na em i bikpela takis moa. Nupela lo i tok ol kampani i mas takis long 25¢ long olgeta wanpela wanpela dola ol i winim.

Em ol sampela pasin bilong gavman i ken painim mani. Tasol em i no inap dispela taim.

sampela

nupela

takis

Long dispela yia gavman i sot long mani. Olsem em i mas putim takis long sampela samting moa. Sapos em i mekim olsem, orait prais bilong dispela samting i go antap liklik.

Em hia dispela ol samting:

Botol bia i kostim 3¢ moa.

Botol wiski, 16¢ moa. Peket sigaret, 2¢ moa.

Laisens bilong ka i ken ran, nau i kostim \$21.

kantri

i no rabis

long mani

Yumi no ken tok i no gat planti mani i go i kam insait long dispela kantri. Nogat. Long yia i go pinis, ol man bilong Papua New Guinea:

a) i baim olkain samting inap \$260,000,000

b) i salim ol samting i go long ol arapela kantri inap \$99,000,000

c) i putim \$90,000,000 i go long beng

d) i kisim dinau inap long \$22,000,000

e) i winim \$15,000,000 long ol man i kam limlibur (turis)

moa

mani

yet

Ol dispela samting i tru. Na gavman i mas painim rot long kisim moa takis long ol dispela samting, bai em inap mekim wok bilong em. Papua New Guinea i mas winim moa mani yet long kopra, kakau, kopa, kopi, ti, raba (gumi), diwai, na pis. Em i min: yumi mas taitim bun. Independens i min: wok. Em i samting bilong yumi stret.

Olgeta yia nau Australia bai i daunim liklik ol dinau em i save givim long yumi. Em i no gat kros. Nogat. Olsem gutpela papa, Australia i laik skulim pikinini long pasin bilong winim mani long wok bilong em yet. Bihain pikinini in-

ap long winim olgeta mani bilong em stret, orait, nau em i bikpela man tru.

yumi mas

taitim

bun

Papua New Guinea i kantri bilong yumi stret. Yumi yet i mas skul long helpim em. Yumi yet inap litimapim dispela kantri i go antap, na holim i stap antap. Yumi yet i mas pilim. Yumi yet i mas takis. Independens i min ol dispela samting. Nogut yumi pasim ai na pasim tingting.

Yumi no kros. Yumi no pret. Yumi inap. Yumi traim. Planti arapela kantri i mekim pinis. Nau yumi soim, yumi inap long ol. Taitim bun - em i stori bilong dispela baset bilong 1971-1972. Em tasol.

sitisen inap

vot

Mista Ebia Olewale, memba bilong Haus Assembly, i tok em i laikim ol sitisen tasol bilong Papua New Guinea bai inap vot long ileksen long yia 1972.

Sitisen em i wanpela man o meri i kolim Papua New Guinea i kantri tru bilong em na i laik stap hia olgeta.

Mista Olewale i tok, em i no stret sapos sampela manmeri i laik stap liklik taim tasol long dispela kantri na ol i gat tok long ranim dispela kantri.

SWIT MOA!



Dispela marasin bilong klinim tis, ol i kolim long "COLGATE". Smel bilong em i swit moa yet. COLGATE i nap long rausim ol liklik pipia bilong kaikai i pas long tis bilong yu. I klinim tu retpela pipia bilong buai long tis.

Sopos yu usim COLGATE bilong klinim tis bilong yu long olgeta dei, bai tis bilong yu i stap klin oltaim.

Yu nap painim dispela marasin COLGATE bilong klinim tis long planti stua long hap yu stap. Em i gutpela marasin tru bilong lukautim oltaim tis bilong yu.

Sopos yu go long stua yu askim long COLGATE marasin bilong klinim tis.

yumi sande long gavman

Tresara, Mista Ritchie, i tok: inap tripela mun nau gavman bai i toktok planti long givim gutpela tingting long ol lokal pipel long pasin bilong kisim planti win mani o profit long ol mani bilong ol. Tru, sapos yumi putim mani i go long beng, bai sampela win mani i save kamap. Tasol i no planti.

Sapos yu lukim pes 7 long dispela pepa bai yu ken lukim olsem wanem mani bilong yu i ken kisim bikpela win mani o profit moa. Yumi no


sande long beng; yumi sande long gavman. Yumi baim samting ol i kolim Primum Sekyuritis.

Dispela ol mani bai i helpim go het bilong kantri, long wanem gavman i yusim bilong wokim ol rot na bris na ples balus na pasis na pawa. Na mani bilong yu i no ken lus, bikos gavman i no ken lus. Em i helpim kantri, na em i helpim yu planti.

Yu laik save moa, yu go long kiap o long beng na yu askim ol.



John Aide (raithan) bilong Daru na Philip Otari bilong Popondetta tupela i redim ensin bilong tupela sip: "Samarai" na "Ladava". Tupela nau i ran i go antap moa moa yet long Wara Sepik. Nevi i laik traime ol i ken go inap we.



Hia yumi lukim Joseph Masiroa bilong ples Korpei long Bougainville i sainim wanpela kontrak wantaim kopa kampani. Ol i bekim \$22,800 dola long ol tri kakau ol i bagarapim pinis. Moa long 30 man i singautim pe long ol tri kakau bilong ol. Long wanem ol masin bilong wokim rot i brukim ol maunten i go daun na karamapim Pinei Riva. Olsem na bikpela haiwara i karamapim ol tri kakau bilong ol na ol i dai.

WANTOK - Trinde, Septemba 15, - Pes 6

NESENEL DE

(Em hia i toktok nambawan gavman, Mista L.W. Johnson, i bin salim i kam long WANTOK niuspepa bilong Nesenel De, 13 Septemba 1971. Mipela i prinim pepa pinis na em i kamap bihainim tumas; olsem nau mipela i givim hia.)

Bung wantaim: em i krai bilong dispela Nesenel De. Tasol dispela krai i mas gat mining. I no mas tok maus nating. Orait olsem wanem bai yumi ken inapim dispela tok na mekim samting tru i kamap: wanpela pipel, wanpela kantri?

Em i no isi. Long ol arapela kantri tu ol i bin painimaut, em i no isi long bungim olgeta man wantaim. Bilong wanem? Bikos ol arapela man - olsem yumi tu - i gat planti kain pasin, kain tok ples, planti ples i stap longwe.

Em i tru. Tasol yumi hia long Papua New Guinea, yumi gat sampela samting ol arapela kantri i no gat. Klostu ol-

geta man bilong Papua New Guinea i gat graun bilong em stret. Graun bilong em, em i hap kantri bilong em. Em i laikim tumas. Graun i olsem simen i pasim em wantaim kantri bilong em.

Long dispela kantri yumi save skelim man long pasin bilong em na long wok bilong em. Em tupela samting i mekim em i bikpela man. Yumi no gat sampela man i maniman tru na i ausait long lo. Nogat. Hia olgeta man i gat wankain strong insait long lo.

Mekim kantri i kamap wanpela - em i wok bilong strongpela man. Mekim selp gavman i kamap - em i wok bilong strongpela man. Mekim independens i kamap, - em tu i wok bilong strongpela man tasol.

Orait. Yumi strong. Yu mi olgeta i strong. Na yumi olgeta i go mekim ol dispela samting i kamap.

tok win

poro i raitim

I no longtaim i go pinis i gat wanpela sumatin bilong Yunivesiti bilong Port Moresby i givim wanpela toktok long ol sumatin bilong Lae Teknikal Koles. Man hia, Mista John Kasai-pwalova, i wok long telimautim ol as ting telimautim ol as tingting bilong Blak Pawa Muvmen. Em i kirap tok olsem: "Mipela olgeta man i kisim bikpela save pinis long Papua New Guinea, mipela olgeta i longlong olgeta."


Sori, John. Yu no tok olsem. Ating yu tu yu kisim bikpela save pinis.

** **

Mista Wally Lussick, memba bilong Nu Ailan, i autim wanpela nupela tingting. Em i tok olsem: mobeta yumi larim ol lokal ofisa tasol i ranim olgeta dipatmen bilong gavman long Rabaul. Olgeta arapela bai i klia. Bai Papua New Guinea i ken lukim: ol Tolai inap long stretim ol trabel namel long ol Tolai yet, o nogat. Yumi tra'im, bai yumi ken save sapos yumi inap long ranim kantri o nogat. Yu ting wanem? Em i gutpela aidia o nogat?

** **

Long Sepik Antap i gat bikpela draiwarana na olsem planti tausen pis moa indai pinis. Ol i drip i kam daun paulim wara bilong Sepik. Long hap bilong ol raunwara bilong Chambri i no inap ol man i ken hukim ol pis. Nogat. Ol i olsem pipia nating. Em ol pis ol i kolim makau. Tasol nau planti planti moa indai. Wara i go daun tumas.



PAPUA NEW GUINEA

**LET YOUR MONEY
MAKE MORE MONEY
FOR YOU**

**INVEST IN
PREMIUM SECURITIES**

SERIES T15

Each \$10.00 makes \$5.14 over 7 years

OR

Each \$10.00 makes \$3.60 over 5 years

OR

Each \$10.00 makes \$2.10 over 3 years

The longer you hold premium securities the higher your interest income will be and the greater your capital gain. However, securities may be cashed in full (or better) from 1 January, 1972, by giving one month's notice.

RIISING INTEREST RATES ARE:

6.6% p.a. to 30.6.73

then 6.8% p.a. from 1.7.73 to 30.6.75

then 7.2% p.a. from 1.7.75 to 30.6.78

INCREASING CAPITAL GAINS—
SECURITIES ARE REDEEMABLE AT:

100% between 1.1.72 and 30.6.73

101% between 1.7.73 and 30.6.75

102% between 1.7.75 and 30.6.78

103% upon maturity on 1.7.78

**GUARANTEED BY THE GOVERNMENT OF THE
COMMONWEALTH OF AUSTRALIA**

**Applications may be made at any Administration Cash Office,
Bank or Stockbroker.**

Inserted by Authority of the Treasurer.

CITIZEN



Saiden Francis Gunua bilong Goroka (namel) i skul long sut wantaim gan masin. Koprak Airo Kaipu bilong Rabaul i sanap arere long em. I gat 400 man bilong Papua New Guinea i skul long ol-kain pasin soldia long wanpela kem long Lae long mun Ogas.

Planti man bilong olgeta hap bilong Papua Guinea i asasait inap tupela wik olgeta wok soldia. Ol i no soldia tru, ol i no insait long ami. Nogat. Ol i bikpela man, skin na waitskin, ol i holim arakain wok ol i insait long wanpela han bilong ami, kolim PNGVR. Wanpela taim long yia ol i as olsem, bai ol i ken redi sapos trabel i long kantri bilong yumi. Ol i sambai long im ol soldia.

Ol man hia i asasait klostu long Lae. I kam long Port Moresby, Rabaul, Goroka, Mt. Hagen, Madang, Wewak, na long Lae.

Ol i skul long sutim ol kain kain masket wok wantaim wailis, long draiving ol kain trak, long brukim bus, na painimaut ol bi save hait.

Long las de bilong dispela asasait ol i im wanpela mas long Igam Bareks long Lae.



Hia sampela man bilong olgeta hap bilong Papua New Guinea i wok wantaim na i asasait wantaim olsem soldia. Tripela hia i wok long sutim wanpela gan mota. Em hia nem bilong ol (kirap lukim long lephan): Praivet James Wangono bilong Ialibu, Praivet C. Renagi bilong Port Moresby, na Praivet Amu Kibefa bilong Kainantu long Isten Hailans.

Salim tok na kisim samting long wok bilong A. Raymond bilong telephon bilong em.



MILITARY FORCE



Gutpela soldia i mas save tumas long lukaut gut long masket bilong em. Hia ol sampela PNGVR soldia i klinim wanpela gan mota long kam bilong ol long Lae. Yu kirap long lephan yu go long raithan long piksa bai yu lukim: Praivet J.Omaro bilong Baimuru long Galf Distrik, Praivet Muni Ogove bilong Popondetta na Praivet T. Kaman bilong Kerowagi long Chimbu.



Ol soldia bilong sut long gan mota, em ol i save bihainim tok bilong tupela man hia. Em tupela i tok save long ol, ol i mas makim wanem samting bilong kisim stret sewa bilong ol. Nem bilong tupela man em hia (lephan) Kopral N.Gaipo bilong Tatana (Sentral Distrik) na Praivet M.T. Dangapnok bilong Telifomin (Wes Sepik Distrik).

YU LAIK JOINIM PNGVR ???

Husat i ken?

1. Man i no gat sik.
2. Man i winim fom 2.

Wataim?

Ilong man Janueri

Olsem wanem?

Go long, ofis bilong PNGVR long ol ples hia: Port Moresby, Goroka, Mt. Hogen, Wewak, Lae, Banz, Rabaul, Madang.


m i tupela bikpeia
a ami. Hia Praivet
ok wantaim wailis




Wanpela ofisa, Terry Egan, i skulim ol man i asasait olsem soldia, long ol pasin bilong wok wantaim ol katres na ol arapela samting bilong pait.

Selo! Draipela Sip i Kam

Dispela sip "Volvula" i win long olgeta arapela sip i kamap pinis long Bougainville. Em i karim wel i kam long ples Singapore. Dispela wel i bilong ol masin long haus pawa. Sip i ran i kam inap 10-pela de long painim Bougainville. I gat 44 boskru long en.



Bikpela sip "Volvula" i stap long bris bilong Kopa Kampani long ples Anewa Bay.



Ol man bilong Bougainville i wok wantaim ol boskru bilong Shell. Ol i wok long pasim ol mam-bu bilong pamim wel i go sua. Ol inap rausim 3,000 tan long wampela aua.



Gelam Kamake bilong Lae i stap toktok wantaim namba wan jeneral bilong Ami: Leptenan Jeneral M.N. Brogan. Gelam i save wok long ol redio insait long woksap bilong Murray Bareks.



Saiden Mesa bilong 1 P.I.R. long Port Moresby, Osi Ivaraoa, i kisim wampela medal long han bilong namba wan jeneral M.F. Brogan. Saiden Mesa Osi i bin stap long ami long taim bilong woa na bihain em i winim 22 yia long wok soldia. Em i join long P.I.R. taim ol i kamapim namba wan taim long yia 1951.

Politikal Edukesen

Pablik Sevis

Pablik sevis em i dispela lain manmeri bilong Papua New Guinea i holim wok bilong gavman.

Haus Asembli yet i makim ol kain kain wok rumi mas mekim long dispela kantri. Orait, i gat kain kain dipatmen bilong gavman i mekim kain kain wok bilong en

stret. Na ol manmeri i mekim wanpela kain wok, ol i insait long wanpela dipatmen. Olsem ol tisa ol i bilong Dipatmen bilong Edukesen o bilong ol skul. Man i bosim wok didiman em i bilong Dipatmen bilong ol wok Didiman.


Long Papua New Guinea

i gat 16 dipatmen. Em hia:

1. Dipatmen bilong Namba Wan Gavman
2. Dipatmen bilong ol Wok Didiman
3. Dipatmen bilong ol Skul (Edukesen)
4. Dipatmen bilong ol Bikbus
5. Dipatmen bilong ol Nius na Toksave
6. Dipatmen bilong ol Wokman
7. Dipatmen bilong bosim ol graun na wok insait long graun
8. Dipatmen bilong ol Lo
9. Dipatmen bilong ol Pos na Telipon


10. Dipatmen bilong ol Wok Dokta (Helt)
 11. Dipatmen bilong Pablik Sevis Bot
 12. Dipatmen bilong Bosim ol Rot, Bris samting.
 13. Dipatmen bilong Helpim Sindaun bilong ol Man.
 14. Dipatmen bilong Tret na Industri
 15. Dipatmen bilong Tresari (bosim ol mani)
 16. Dipatmen bilong ol Wok Bisnis
- Long olgeta distrik i gat wanpela han bilong planti dispela ol dipatmen. Ol yet i mekim wok bilong Haus Asembli i kamap long olgeta hap.

Saun bilong SANYO gutpela tumas



Sanyo i ken mekim yu makim draipela redio, stat long 8 transista i go kamap draipela samting tru em inap long kisim stesin long we. **Wonem kain samting yu laikem long harim, Sanyo i gat.**

Soim istap antap emi piksa bilong 11XA853. Emi namba wan 10 transista redio bilong harim tok long olgeta graun. Long han rait emi 8 transista redio ino hevi na isi gutpela redio em bai klia saun sapos yu kisim long we stesin.



**LUKIM SANYO
ISTAP LONG STUA
LONG HAP BILONG YU**

BRECKWOLDT & CO. (N.G.) PTY. LTD.


Port Moresby, Box 1549, Boroko. Madang, Box 185. Lae, Box 557. Rabaul, Box 222. Mt Hagen, Box 237. Wewak, Box 178. Kieta, Box 72.

essay competition winners

Winners of an essay competition held recently in the Southern Highlands District are as follows.

Primary section: Sub-districts. 1. Francisca Hoyali, Capuchin Mission School, Tari, best girl; Ikija Pawa, Tari Primary School, best boy. 2. Berame Paragua, Guala School, Koroba, best girl; Dabe Waiiali, Guala School, Koroba, best boy. 3. Bores Beasa, Bela Primary School, Mendi, best girl; Vele Ila'ava, North Mendi, best boy. 4. Iki Momongome, Ialibu Primary, best girl; Piel Kera, Ialibu Primary, best boy. 5. Dunstan, Capuchin Mission School, Pangia, best boy; Jeanette Tambua, Capuchin Mission School, Pangia, best girl. 6. Taina Malara, Erave Primary, best girl; Nande Tape, B.M.C. Lombo, best boy.

Secondary section: Elizabeth Marepo, Mendi High School, best girl; Kinjup Tundupi, Mendi High School, best boy.



Hia ol pipel bilong Jaba viles long Bougainville i wok long kirapim nupela ples bilong ol. Kopa Kampani i kisim graun bilong ol bilong wok kopa na i askim ol long painim wanpela nupela ples bilong sindaun. Ol i painim pinis tupela ples: Moratana na Jaba. Hia yu lukim ol i wok long karim ol diwai bilong nupela haus i kam ausait long wanpela pang. Kampani yet i givim pang long ol long karim ol diwai, simen, na kopa samting i kam. Kampani tu i salim sampela kamdaman bilong helpim ol long sanapim ol nupela haus.

WANTOK - Trinde, Septemba 15, - Pes 12



Mista Lepani Watson, minista bilong bisnis developmen, i holim wanpela rop tambu na girigiri. Em i kisim pinis taim em i raun nabaut wantaim ol man bilong Milne Bay Distrik, ol i go senisim olkain samting wantaim ol man bilong ol narapela ailan. Kain wokabaut olsem ol Papua i kolim Kula.



Direkta bilong Kala Motors long Mt. Hagen, Mista Norman Camps (long raithan) i givim pinis ki bilong nupela ambulans long Dokta Milton Lewis. Nau bai ol i yusim dispela ambulans long haus sik bilong Mt. Hagen. Kiap na Mista Kemp Dei presiden bilong lokal gavman kaunsil, tupela i sambai long dispela taim.



Dispela draipela balus Hercules i go i kam 5-pela taim olgeta namel long Kieta na Brisbane long Australia. Em i karim 200,000 paun kaikai i kam long ol wokman bilong Kopa Kampani. Em i flai antap moa moa yet, inap long ol kaikai i ais pinis i stap.



world news

u.n. group chosen

New York: The group of people in the United Nations who will be coming to watch the elections to the Papua New Guinea House of Assembly in 1972 have been chosen.

They are men from Britain, the United States of America, Afghanistan and Yugoslavia.

The women, Patricia King, leapt from the plane at 10,000 ft. during a beach display and landed in the sea instead of on the beach.

more fighting in ireland

Londonderry: A teenage girl was killed during gun fighting in Belfast, Ireland's centre of fighting recently.

Meanwhile in England, the British Prime Minister Mr. Heath and the Prime Minister of the Irish Republic Mr. Lynch have met for talks over the situation which is becoming worse.

Earlier victims of battles in the Belfast streets included a baby girl and a soldier who were killed a few days ago.



Ben the Hippo loves having his back scrubbed. His face, what we can see of it, bears a look of pure happiness as keeper Dave Flower sits on his back scrubbing away with a broom.

fire in airport

Brisbane: A fire at Brisbane Airport has destroyed restaurants, offices, a passenger lounge and a lounge for the air crew.

Thick smoke and fumes filled the TAA passenger lounge where about 200 people were waiting to board planes.

plane crashes kill 191 people

Hamburg, Germany: About 80 people are believed to have died in the crash of a jet aeroplane on a flight to Spain from Hamburg last week. The plane, carrying

114 passengers and a crew of 6 exploded in mid-air and crashed soon after take off.


People watching on the ground said the machine fell apart in the air.

Parts of the plane were scattered over a wide area about 6 miles north of Hamburg.


Three days before this crash 111 people died when another jet plane crashed into a mountain in Alaska. Police and rescue workers are still trying to get into the place where the plane crashed to recover the bodies.

woman hurt in fall


Sydney: A young woman parachutist is in a serious condition today after being trapped underwater for more than 20 minutes in the surf of a Sydney beach.



Reptile keeper David Risley who works at the London Zoo has a lot of peculiar jobs to do. One of them is polishing the shell of this giant tortoise. The tortoise weighs 404 lbs. and covers 12 square feet of ground. It is 100 years old and has been in the zoo since 1924.

 **'READ'**
 THE LITERACY AND LITERATURE MAGAZINE
 ● Published Quarterly
 ● Subscription \$1 yearly
 The Editor, Box 43,
 P.O., Ukarumpa, E.H.D.

**Singelman
Na
Maritman**



Yes, ol pren bilong mi. Mi stap hia long taun na mi lukim wanpela samting i no stret. Dispela samting em hia. Taim man na meri i marit pinis, tupela i promis pinis, man i mas lukautim meri na meri i mas lukautim man. Tasol man yet i save mekim wanpela pasin ino stret. Dispela sin i no stret. Dispela pasin em hia.

Sapos i gat pati o singsing, man i save larim meri i stap long haus, na bilong em yet em i go raun long pati o singsing na hambak na gris long ol sampela meri. Yes, em i go hambak na tarangu, meri bilong em i stap long haus.

Mipela i lukim dispela pasin i no stret olsem

mipela i laik tokaut long dispela samting. Mipela pilim dispela samting tasol i as bilong plenti trabel i kamap long marit bilong ol yangpela manmeri i stap klostu long ol taun. I luk olsem; Long san man i wokabaut olsem maritman, tasol long nait em i wokabaut olsem singelman. Kain pasin olsem bai i wokim bikpela trabel insait long marit bilong ol wan wan man meri. Meri i no olsem dok o ka samting yu ken lusim i stap long wanpela hap taim yu laik raun nabaut. Meri em i helpim bilong yu. Yu kisim pinis na yu no ken tromoi long wanpela hap na raun long laik bilong yu.

Mipela i ting sapos

MIPELA I LAIK BAIM POTO BILONG YU.

Yu salim sampela poto i kam long WANTOK niuspepa. Olgeta poto mipela i prinim insait long niuspepa bai i bringim wan dola wan dola i kamap long han bilong yu. Mipela i laikim olkain poto.....-
Yu raitim tasol nem na adres bilong yu i kam wantaim poto, na salim i kam long WANTOK, P.O. BOX 298, WEWAK.

(Tasol mipela i no ken salim poto i kam bek long yu.)

man i laik go long pati o singsing, mobeta em i mas kisim meri tu i go wantaim. I nogut long man tasol i go na larim meri i stap long haus. Na mipela ting meri tu i laik go long pati o singsing, tasol man yet i save larim meri i stap long haus na em wanpela i save go.

Ating mobeta man na meri tupela i mas go wantaim. Na mipela i ting dispela pasin i gutpela na i stret long pasin bilong marit long tupela i ken go wantaim

long pati o singsing. Olsem tupela i ken painim laip bilong pati o singsing i save go olsem wanem, na tu, tupela i ken amamas wantaim sampela pren bilong ol.

Em tasol liklik hevi bilong mipela ol YC lida na mipela i laik autim long yupela olgeta manmeri bai ol i ken harim na wok long stretim dispela kranki pasin. Sapos yu pilim dispela tok i no stret, orait yu ken salim pas i kam long Wantok na autim tingting bilong yu yet. Em tasol ol pren bilong mi.

**Olgeta tok
i stap long dispela niuspepa
ol i bin paitim pastaim
long wanpela masin bilong rait,
nem bilong em . . .**

Olympia

TERRITORY AGENTS

BRECKWOLDT & CO. (N.G.) PTY. LTD.

PORT MORESBY
P.O. Box 1549, Boroko.

MADANG
P.O. Box 185.

LAE
P.O. Box 557.

RABAU
P.O. Box 222

MT HAGEN
P.O. Box 237.

WEWAK
P.O. Box 178.

KIETA
P.O. Box 72.

Lokal Gavman Asosiesen i Kibung

Minista bilong ol Teritori, Mista C. Barnes, i opim kibung bilong Asosiesen bilong Lokal Gavman na i tok olsem:

Namba wan samting, mi laik tok amamas long Mista Emanuel. Em i no lusim laip bilong em nating. Nogat. Wok bilong em yet i bin helpim kamapim ol lokal gavman kaunsi. Olsem yumi tenkyu long em.

Sapos Haus Asembli bilong yupela i laik kisim selp gavman namel long ol yia 1972 na 1976, i orait long mipela ol Australia. Tasol nau yumi mas wok long strongim tripela hap bilong gavman, bai ol samting i ken ran gut.

Namba wan: gavman long Port Moresby i mas strongpela inap long bihainim ol laik na tingting bilong Haus Asembli na tu bilong strafim ol i sakim tok bilong en.

Namba tu, ol lokal gavman kaunsi i mas soim ol pipel bilong ples ol yet i mas helpim gavman long ranim kantri na ol tu i mas lainim pasin bilong givim mani long dispela samting.

Namba tri: Yumi mas bungim olgeta lokal gavman kaunsi insait long wanpela distrik.

Long mun Mai tripela tokman bilong yupela i bin kam lukim mi long Canberra. Em hia: Mr. Seeto, Mr. Olewale, na Mr. Cooke:

Gavman bai i bringim wanpela mosen insait long dispela Haus Asembli bilong kamapim wanpela Lokal Gavman Sevis. I olsem: bai ol i bungim olgeta man i holim wok insait long gavman stret.

Tripela man tu i wari bikos i no gat inap saveman bilong helpim ol kaunsi long pasin bi-

long wokim ol rot na bris. Mista Barnes i tok bai em i toktok wantaim gavman long dispela samting.

Mr. M. Tugo bilong Madang i tokim ol deliget em i no laikim pasin bilong makim wanpela advaisa bilong tupela lokal gavman kaunsi wantaim.

Mr. Eupu i tok em i laikim ol lokal pipel tasol i kisim ples bilong advaisa. Em i no laikim ol man bilong longwe ples i kam insait skulim ol. Ol i longlong long ol pasin bilong ples.

Mr. Seeto i tok ol i no ken makim wanpela yangpela man tumas i gat 19 o 20 krismas tasol bilong holim dispela wok.

Ol deliget insait long konpres bilong Asosiesen bilong ol Lokal Gavman, i laik bai gavman i kamapim nupela Dipatmen bilong Lokal Gavman. Ol i laik bai Haus Asembli i orait long dispela samting. Mista Seeto, presiden, i tok olsem, nau planti wok ol i mekim long ol rot na bris i rabis. Nau Pablik Woks Dipatmen i mekim. Sapos i gat Dipatmen bilong ol kaunsi stret, bai dispela dipatmen i lukaut long dispela kain wok.

Mista M. Tugo bilong Madang i mekim dispela toktok insait long kibung bilong Lokal Gavman Asosiesen. Em i tok yumi mas painim rot bilong daunim ol pe ol papamama i mas givim long ol haiskul. Namba wan samting: olgeta skul bilong misin na gavman wantaim i mas gat wanpela kain pe tasol.

Mr. Olewale i no laik-

im dispela pasin, olgeta sumatin wanpela wanpela i mas baim skul. Na long sampela hap ol pipel i gat mani; long arapela hap nogat.

Nau ol i laik askim Dokta McKinnon, hetman bilong edukesen long Papua New Guinea.

Ol deliget bilong kibung bilong Lokal Gavman Asosiesen i orait long ol sampela kaunsi tu i mas go lukluk raun long sampela arapela kantri. I gutpela ol i go lukluk long ol pasin bilong ol wansolwara bilong yumi.

Mr. Olewale i tok gavman i mas baim rot bilong ol. Tasol Mr. Seeto i tok, gavman i no laik. Mr. Cooke i no laik na i egens long ol kaunsi i go lukim Australia; i no helpim ol. Ol i mas lukim ol kantri i wankain long Papua New Guinea.

Mista Barnes wantaim pikinini meri bilong em Jill, tupela i kam long helikopta bilong lukluk raun long hap bilong Rigo Kaunsi long Sentral Distrik.

Taim Mista Barnes i stap, ol kaunsi i laikim em i helpim ol long kisim gutpela rot, gutpela wara, na gutpela bulmakau long hap bilong ol. Mista Barnes i bekim tok i spik, em i no samting bilong em... Em i samting bilong ol kaunsi na ol pipel bilong ol. Ol yet i mas sindaun toktok na taitim bun bilong helpim ol yet.

KLASIFAIT

PABLIK NOTIS

YU SAVE gutpela rot long wokabaut bilong yumi long olgeta de? Sapos yu laik kisim nating dispela buk, salim pas long Booklet, Box 1096, Boroko.

Wantok Publications
P.O. Box 298, Wewak, i wokim, na Wirui Pres long Wewak i prinim.

KRISTEN PRES i wokim kain kain buk bilong strongim bilip na bilong sanapim gutpela pasin na sindaun na bel isi bilong ol manmeri na ol pikinini.

Nau yu ken baim dispela buk:

Sotpela Lotu Bilong Helpim Yumi, Buk 3

Dispela buk i gat 65 sotpela lotu bilong sampela tok i stap long Nupela Testamen. Sampela tisa i wokim planti gutpela tok bilong skul na famili na kongrigesen.

Salim oda i go long:



KRISTEN PRES

Sales Division
The Christian Book Centre
Box 222, Madang

